尚

論

持

平

事文標與《卷五目錄	帝乙歸妹	井	枯楊生稊	小貞吉大貞凶	黄裳元吉	師出以律	乾道變化	君子終日乾乾夕惕若厲無咎	事文標異卷五目錄
-----------	------	---	------	--------	------	------	------	--------------	----------

開睢	十五國風	歸藏易	殷易周易	震爲旉	繋于包桑	歸妹以須	<b> </b>	冶容誨淫	

事文縣民一张五目錄	平王之孫	不顯惟德	不日成之	木瓜	卷耳	柏舟	怒如調餞	標有梅	鹿鳴
<del>-</del>									

烈文群公錫兹祉福	宋棣之華 等不 華 華	町疃鹿場	兼葭	小弁	啓明長庚	秀子 笠 弟	中田有廬	親結其褵	コンボリーラニー

三三	辨章	天子使其大夫為三監	弱水旣西	百姓昭明	無逸	鳥鼠同穴	小是小宛小弁昊天何人斯萋菲谷風蓼我	楚茨信南山甫田大田	魚藻	والمستقدين والمستقدين والمستوالية والمستوالية والمستقدين والمستوال والمستوال والمستوال والمستوالي والمستوالي
							<b>企風蓼</b> 莪			

五子之歌	! <b>*</b> ′	周公居東	大戰下甘	葉公顧命	西伯战黎	恒舞于它	說築傳	夾石碣石	事文標異
	<b>刿</b>	<b></b>		P	<b>於</b>	恒舞于宫酣歌于主時謂巫風	<b>灰</b>	4	卷五一分

事文標果卷五日錄	靡草死	仲春令會男女奔者不禁	田鼠化為駕	賜始鳴	鴻雁來	古月令缺文	月令	尚書同異	培現篠蕩

,

|--|

į

事文票果一卷五目錄	左傳異公穀	書孔子生書孔子卒	西行養麟	國佐盟于袁婁	夏公伐齊納糾齊小白入于齊	會于葵丘	鄭人來渝平	<b>木</b> 氷	星殞如雨

事文際異人卷五目录	懷實迷那	<b></b>	互鄕	子桑伯子	五伯	汶上	觚	瑚連	束脩
大									

-

七十子	石經大學	韓昌黎論語解	予所不者	微子啓	羿	<b>野</b> 匡	直躬	鑽燧改火	
									•

巨擘	檮杌	庾公之斯	盆成括	王良	伊尹放太甲	鯀	象	孟仲子
•								

.

六經字異	六經字義	字文同異	飛廉	西子	授廛	去齊出畫	折枝	事文標果

以夕惕若為句朱子謂 九三君子終日乾乾夕惕若厲無咎鄭元王弼 儒者及淮南子引用俱 事文標異卷五 沒厲無咎厲字屬上文為不 又言故乾乾因其時而惕 君子終日乾乾夕惕若 張 青樵先生鑒定 錢 塘 陸次 如 雲 以夕惕若厲為句程朱 雖 頻復厲無咎是也夫 順自當屬下文矣光 雲士 厲無咎 危無咎矣厲即危 篡著 類 始 諸

易乾 問 目 九 程 事文標異 **子**朱 墹 如 間共繁 張 伯 厲無大咎觀之 食舊德貞厲終古 道變化朱子註變者 乾道變化 子 本 起之言也可見宋 於 作 義 叉言化是 厲 固 經 卷五 是 義良不淺 貞吉為 然易中 則 漸 漢 化 何 厲 化之 之 當 化 也 變是順變或以不 儒 即 儒 精於漢晉諸 屬下文無疑 厲 而裁之謂之變則 漸 無咎之 者皆以 化 者變之成 貞屬為 類 儒 矣 也 句 此 Fi 以 他 為 句 豆 浦 垢

之 無 漢 看 形 部 化諸 按 是 程 忽 伍不 改者為之 犯 不識李廣同爲名 鄭元易註先有形 漸 師 说錯 出 變 識 擊刀斗舍止 以 犯 律 正部 粽 則又化 卒 存之 化及本 樂 伍 擊 化 從 以 刀斗治軍 備 就善水草人人 李廣苦程 將其治兵則有 澌 無舊形非 泰考 丽 漸改者謂之 變短此等字須 至 類 微敞 明 而改者亦 變雌 自 異焉 司 便如 得 馬 一當 敵 廣 有 謂 舊 息

於安而昧於 將惡其上 易日 師出 而去之而 禍士卒以不識為煩自必樂於從廣 以律否臧凶廣使人入自 廣防禦少疎未有不 便人 致 情 敗

於無法之中又不可以是論 奇不可法也若岳武穆之 者 故日兵事以嚴終行軍當以為不識 野戰運用之妙寓成 矣 為正李

黄裳元吉

武后之事朱子凯交· 易之坤六五黄裳伊·

武后之事朱子常受無此義不當硬人邵傅云

傳作聖人示戒並舉女

否 事化票里 **益而彰賢者不免隱見微顯君子可無戒乎** 山欲 易考云易屯其膏小貞吉大貞凶漢書谷永傳 無不可 之 也否六四包承龜山以下文小人合一句讀之言 訓 時當包承小人朱子謂如此不成文義矣葢 因宣仁垂簾事有怨母后意此爻義之所為發 解洗其從蔡京父子之失也聖資經旨萬 後儒有見因事觸物別為篇章以發已意益 小貞吉大貞凶 而 假諸聖經行已之私 人长丘 其何以為訓乎欲 謳

三十二

小貞臣也大貞君也遭屯難餓荒君當賑濟百 イス・コ

貞謂大 此文注云膏者所以 而及吝 下 如 則 凶臣吝嗇則吉也而魏了翁云周禮 遷 國立君之事不訓正也與古說 潤入肌膚爵禄亦以養人也

枯 楊 生 梯 異矣並載之

以俟知

者

熊南沙周易象旨云枯楊 IE 秀柳亦有想即 月柳戴德 傳云發字也秀如苗秀之秀未 柳線也孚如中孚之孚 生梯陸德明日秀也夏

井 井 子之 義初爻為木本 故 し、東国 不起 名 非水火不生活想 淮南子與世本並云伯益所作按易重卦 日發字朱子本義 解 史黃帝分州 井 卵日罕花之 梯桶 舜伯盆 未當也宜 KIL 舜 或可象 蓓蕾多 臣豈 盂 陣 自茹毛飲血之後有鑽木 日梯根本也榮於下省 得謂 象井立法瞽瞍使舜穿 根至二爻則非根矣 以秀字之 如鳥卵柳初生亦 始于盆 說為是 凹 井之來已 业易 相 則 有 取

火之事即有 掘地取水之事其所由來不必計

世

帝乙歸妹

楊 成湯至於帝乙岡不 **力権日帝**こ 鯍 妹帝乙殷之賢君 明德慎罰是也史記云帝 尚書 所謂 Z 自

之言遂以帝乙爲成 時殷道益衰此背經之說也後世注易者因火 湯易與尚書相矛盾 矢信 記

表賢君傅 信傳疑其義如此史之私 錄

可盡信乎

而疑

經

表

冶容誨淫

高祖功臣有蟲達其人乃古蟲之後以蟲字不 故改而為虫不知古詩有古冶子之名似冶子即 中引之 冶容跡淫漢 字而 藍國 子由諸 アン原に丁号 賁 都 皆 賦侍 語 Í 說 蠱容海淫此其證也又考左傳女惑男 日 蠱 推之不必二視之也 者 園 **疏謂冶字古本作蠱字故太平御覽** 用之者也蠱又有省文作蟲字者 東帛戔戔 女縱欲張平子西京 マ・レ 五 賦日妖蟲 作蠱 漢

7

戔所 各而 賢 悲 為吝大 是淺意 **賁于丘園東帛戔戔** 而 何吝于 待賢不 賁 、聘之 終吉于各 歸 費解矣一 雖 于 當過 Í 吝 異 物也孔穎達以 有 園 說 須 儉先 礙耳 字似妥朱子從 不一而寧儉之 束帛戔戔之薄耳禮奢寧儉 說為國不 周氏 儒 說 有 漢聘 隱于丘 謂 以養養為眾多 尚華飾故不實于 以貴下賤甲 隠士 之 說為長也 嵐 葢 用 細味 以 禮聘之義 元 者但 禮 纁 **戋**戋 厚 故 駉 雖

事·文標異 賤 遲 說也須遲字意皆有切據謙曰浮而不浮矣 仰 九 天文 來客是也讀作平聲義稍 者 四 狽 歸 總錄 歸 殆 也初言歸 緊于包桑 妹愆 似可 妹 須女四星 以須 謂 從 易日 **人 卷五** 期 註 遲 妹 屈原姊名 一歸有 疏 其亡其亡繫于包桑解之者 以 **賤妾之稱本義亦稱** 姊 程 時 則歸 傳 女 遲 V異矣此篷底浮 音 妹以 **須呂** 須爲待固是然朱 稺 须 后妹 謝 可 盤 或 亦 運 互見矣 詩 名 日 談之 女之 臨 額 須

盡古人取喻朽索六馬虎尾春氷之類也陸宣公 聨若包桑 級 旅幸而不 殊者 樓矣此解 昔人之 易說卦震為專專之為言布也震于東方為春草 未及者也 包桑為固結之喻似乎未確包桑豈固結之物乎 收復河北後請署兵狀有云邦 木之萌始布也古文作男今文作華蓋言花之蒂 )詩凡華字告叶音專是其證也陸機文賦 震爲勇 國之 杌隉綿綿 彼 肵

殷也 事文標異 乾 于陽也此文王之大旨也故學易者宜從周不從 **陽得生生之 男血八玉藻瓊華與玉藻** 殷易先坤後乾有靜斯動陰陽之定理也周易先 此解此亦楊升庵之說也 後 坤陽尊陰甲天地之定位也在殷易由 歸 殷易周易 藏易 卷五 序在 周 易扶陽 相 對尤可證也說者每遺 抑除是斷不使 坠 隂 及

釐升作稱剝作僕損作員咸作誠坎作 之 人海作兵又有 京房日古有歸藏易一 逃 溽小畜之曰毒畜大畜之曰大毒畜艮作 一複計名不印當周 梅卷日吾於十五 名尚有存者內缺其四 逐蟲 ·五 國 作罚 風 瞿 解 欽 作 荔无妄作 國 易 規 何 風 夜分五 害今久亡矣而六十四 竊 卦 與周易不同如 也 有疑焉二南為周 卦 毋亡 **岑** 露林 家人 犖 作 需 謙 很 禍 散 **辰** 作 馬 之 掛 作

E 之 寧 晉 雖 監 之 公劉並 國 詩當文王 無 之 此 矦而 王道衰微 微 地秆 數 類提 必序諸族之上 篇足錄 春 不 稱 删 秋時 詩 封 名 何 為 時 者 雅 康 為 医丘 魯之 何孔 若 降 居 燕魯未封 晋 权 宋 為 非三 風 風 4 檜 末 風 樂章也季札 子 杷 列 刪 滅 豳 國 蔡許虞號隊 耶 風 也王 於十 于 詩 叔 故以南名之 虞封 如是其關 鄭 王業之 曹 者何平王也王 五 國 伐 聘 于唐子 魯請 始宜 于 薛 其謂之 邶 邾 宋 耶 一與生 莒 爕 猶 鄘 觀 以 何 傐 備 即 愚 之 周 民 度 若 為 小

合 自 誣也 不言風豈 唇 ラノボーラ 五國 止 檜 夫子日 頌各得之言觀之 以 謂參差荇 闗 之 曹也孔子 雕 自 中 風 無議焉合之十 衞 之 豳 風 肵 反魯然後樂正雅頌各得共所 **ラ**ヨ 删詩 附于 尚 伸 右流之后妃欲供祭 有 未得 亦因魯之 椪 五. 五 疑風尚未得 國之 國之 者 耶 售 後失 愚謂 風疑尚有 而已詩 其所 共所良 王風 祀 矣由 與 求 餘 列 樂 而 風

求 也請 事文傑異 字不合愚謂以于以湘之維錡及釜之詩觀之 爲 或錡或釜或左或右左右笔之之說亦未為不 長齊雜說謂 女與之供職以助已也此將淑女屬之他人與孔 之本文始與不淫不傷之意相合但毛氏訓 樂不淫哀不傷之說不相符矣考亭舍去異說 擇正意訓芼為搴朱子以為熟而薦之與左 鹿鳴 以正之善說詩者 關 卷五. 雖為風之始而漢部云應門失守 九 則 右 芼

首手 μŢ 若 川 關 衰之詩漢書云康王一 為 樂 刺 雕 放祭日 而 焉關雖文王之詩也而齊魯韓三家以 刺 刺 標 有梅 刪 世 不 焉 鹿 淫哀 诗 標 則 鳴為 叉豈 有 鄕 而不 恢 飲 雅之 注 以政衰 酒 傷夫子 謂男女之及 禮 始而史記云仁義 燕 朝 刺世之 晏 禮 Ė 起 何 先 關 取 時 作 為 雕 鼓 瑟而 紐於 註 見幾而 非男女也處 脚 夌 矣麂 風 歌 作 爲 遲 雅 鹿 鳴 嗚 政

最 愈 爵 說 平文原異 其候矣此 彩及 相 鉛 火其與不若 而不得云調音 難心其義晰矣毛詩 求 鉥 怒 禄 明時 如 必當 日怒 以 時東帛之典不及必且後時矣故託 一調 明志也 其位 如 僟 效 卷九 朝 調 川 門又以作期均少 餓 故食聘之典行馬梅實閩落 **餞之為長也焦** 也月令孟夏對俊桀遂賢良行 村 作 詂 調 作 本屬等魚鄉 降北章句子 易补云 愈 氏求 朝 俩 解 北 祈 加

思一作朱子辨其不然乃信別女傳以為婦人之 哲舟之詩小序言衛頃公之時小人在 去古未遠當得其實思問升卷之所來是也 旦儀郭遐周書日言別在 逢彼之怒日憂心悄悄慍于潭小 為信也況飲酒遊遊似非婦人之事日满言往 於漢儒固難盡信烈女傳出於小序之後又奚 叉因與綠衣 柘舟 相連復以為非姜之 斯須怒馬加削競晉漢 别謂小人在 詩夫小序 側仁 À 愬 侧

事 賢 陳 鄭 加 去者去之庶乎其有當 文標 ·盡棄: 深得詩人之 臥子日卷耳言嗟我懷人是所懷之人明矣 前合之始舍 人不遇又奚不可毛 以為賢 小序 卷 異 耳 小序其失也矯 則 拘 太過耳楊 卷五 心朱子直以 小 小序而求之 序之 過也朱子 用 矣 審 鄭專拘 修 酌 爲 經 以荀子 其問可從 亦詩 后 所 妣 + 序其 之 謂 思文王之 解 大 卷 者從之 失也泥朱 委 幸 一曲遷 耳 為 但 詩 就 思 毛 欲

过 也不得已而思酌金罍豈真酌金罍乎至結語 馬也金罍兕觥與文王酌酒以消憂也身在閨 詩人之旨陟岡者文王陟之也馬元黃者文王之 而思在道途也雖 用修以為陟冏飲 語言者言欲陟崔嵬而馬虺慣則未當陟崔嵬 何吁矣左 而已 想然耳當王室如燉之時思念文王有不能 其旨如此謂之亦傷大義非 思右 想難免傷懷無可奈 似是終非本義愚以 酒 非婦人所宜亦傷 癡 為此 人說夢乎 大義 付 خ 詩 或 門

字然不為淫奔也有難之者日美人固通稱若 高忠憲講學東林有乾木瓜詩問者謂投我以 校童今得不以為淫奔否曰亦何必淫奔不讀麥 詩美人 秀歌乎麥秀漸漸兮禾黍油油兮彼校童兮不與 報之 秦 好今箕子指受辛也受辛君也而狡童之誰 風 贈 季日 以瓊琚其中無男女字何以 我金錯刀何 卽 有男子字亦何必淫奔張 以報之英瓊瑶明有美人 土 知為 衡 淫 奔 四 愁 彼

**夜童淫者也秦君之說如此誠可與講學矣** 

不日成之

日成之朱注謂不終日也迅速奏功以見靈臺

之中豈能即竣靈臺之事者不近人情矣精之古 命名之義謂若有神靈為之者意則美矣然一 E

注以為不日成之者不設程期之日也交王仁 一似古注更出其上也 民恐其過勞正與經始勿亟之言相合朱注

不顯惟德

海經之不津不庭不其或日不讀作丕古無丕字 系之文武成康不無抵牾如何彼禮矣其解有不 洪文敏日周南召南之詩自漢以來為之說者必 字如春秋之不羹華不注史之不因不美不耐 王之孫齊侯之子翻覆言之毛公箋云武王女文 不即不字也雖與朱注異說其實其義可取也 詩不顯惟德注皆以不為豈不知古地名多有不 王孫適齊族之子考其意葢以平王為平正之王 平王之 孫 主

事文際異

| 卷五

齊矣為齊一之矣若所謂武王載施成王之字成 歸于齊傳言齊矣來逆共 諒 年當周莊王之四年齊襄王之五年書日單伯 王不敢康非指武與成者然證之 外末書歸于齊者 齊杜預注云王將嫁女于齊命魯為主莊公 闇 姬繼之以築王姬之館于外又繼之以王 孫則 慮齊矣當親迎不 所嫁王姬當是姊 終此一 忍 事 见 姬乃威公也莊王為平 也十一年又書王 妹族之子即襄 禮接于廟故築舍于 春秋魯莊公元 姬 在 送

為母命雖是婚禮而作詩之 必有結脫 事文票里 而日 緊屬于人也即所謂櫻也士婚禮親脫婦 親結其稱稱婦人之禕也邪交複絡以纒于 於義何居 公也二者必居 亂也舊說以稱為 中 親給共腐 田 有廬 者 | | | | | | | 解其結也古語多 於此矣而以為武王女文王孫 惋巾 意則在此不在彼也 誤矣又以親結其 **灰** 脱 **一**. 而日 結循 さ 體示 纓 治 禰

ミンオリン

**ラ**こ

說文廬寄舍也秋冬去之春夏居之恭山者一夫 五 畝之宅二畝半在邑城中之奠居也二畝 半

之 田 里有廬則賓客寄舍也三年之喪倚廬 外室也北狄穹廬則 野外之寄居也詩云中田 逐水 有爐是也周官 草無定居之理 則 室 門 凡 也 國

考工記秦無廬謂矛戟 柄 竹 攢 秘之屬其音 以

盧而字作廬 文而視為同義也 則與前數 廬字大有别矣不可

齊子豈弟

對二 豈肯平易近人乎詩人 楊 婦道貴平嚴肅豈弟平 弟之有愚謂豈弟雖是好字然加於婦人 明也開明之義與發夕為 初讀疑之後觀鄭脫豈弟 中閩澤汪文穎日閩 用修日齊子豈弟與各章遊遨夕發之意不 一說 啓 明 雖 長 殊義近之矣今云豈弟淫亂之人何豈 庚 易近人之 用 澤 對司 作 字 樂也又與遊遨之意為 語 闦 馬 閨 似厚而意 說也貞烈之 相 闓 左 如封 訓 開 甚 也圛 幝 非 宜 文 刻 葢 茒 訓 同

非矣 庚為 庚不 在 有誤耳元注二星也得通志之辨可以證毛氏之 西見實二星也今注一星一與二字 亦以為一 日西故日将出 氏詩緝日東有格明西 知 白 何 故李 星 星矣鄭樵日啓明金星長庚水星 毛氏云 白 母夢長 則 即一 東見水在日東 庚而 有長庚啓 星也後世 名 之 以白 明 盡多少之 故日將沒 因之遂 削 太 字 白 以 以 金 間 太 長 則

一憂之 宜 豈不念后乎木之壞也尚疾無枝王豈不念子乎 爲 小 伯奇即宜日也合二人為一人益大謬矣葢伯 賦 母 而反跂跂然者不忍去也雉之 是其日鹿斯之奔喻太子被 日 所 弁周幽王愛褒姒欲廢 此詩此正 其事 讒而 如此王寧 出 相 解 似 鄰大夫作 ·莫之 故人或傳 也或 知乎 以為尹吉甫之子伯奇為 此詩以 此至孝之 訛 太子宜日其舅申戾為 斷以為太子傅所 諷 雊 放 也尚求其雌 其父正義且云 而 夫 至情語也宜 去也奔宜 急 奇

襄 **葭待霜而後成** 之典禮皆至中之 事文件異 共情而為之乃 叟不足以 顴 日 涇野日蒹葭刺襄公未 何能為之其傳能作 者 新為諸族未 兼 知 葭 周 知之也 禮之賢人也欲 1 米三 猶民待 溯 習周 道 洄 楯 以 禮 之 求 在 怨辭正所謂可以 能 禮 水 其 而後與也毛公亦 能 其君求賢也思 中央者今乃 用 為 周 入 禮 國 未 F 以 服 故 固 程 焉 怨者高 不 國 也周 調 或 子 謂 能 秦

順

也如 獸 鳥巢乎 詩 若朱注 耳文標具 夫久不歸家町疃之地踐為 可 有鹿場字遂 疏 所踐處漢 以 解鹿 豳 日 町 WJ 疃鹿 風 所言神情縹緲言有盡而意無窮也 疃鹿 以綢繆牖戸形容鳥巢可得謂綢 揚不可 卷五 場 儒 以 場毛萇日 解 鹿 以 經 跡 如 解 此 ĦŢ 獸 疃 蹊 鹿 何 跡 鹿場矣非 也原詩 附會之 其拙也葢 也說 七七 耳 文 人之意謂 艃 謂 日 因 即鹿 跡獸 町 町 疃 疃 繆 禽 之 睒 場 蓰

枯 蕋 亦當讀作旉字字意相通人亦知之若不之爲蒂 人鮮知也 詩紫芝列紅敷字書作跗 棠棣之藥萼不韡韡 通作數即不也然又有跗字亦同是義唐人遊 楊生華老婦得其壯夫 也不花之足也即蒂也易曰震為夷夷花蒂 烈文辟公錫兹 棠棣之辇萼不韚 祉 人以不字作勿字解 福 韚 葢 古詩綠萼青跗是也易 **率字當與夫字相** 非也萼 仙 也

魚藻 惠 事文票與 勝 若 矦 楊 元 我 以 前 聞 助祭之 朱傳之 無疆 為天錫之 人前 諸矣及錫天子 古序以為 菴曰烈文辟公錫兹 魚 藻 說 也三 詩也錫福之說 冠 履倒 朱傳以為 說不同要之 刺 佬 li. 幽王思武王之詩朱子詆之爲 以 置 耶 矣 福 諸 毛 晦 洪 祉 範 毛 **莨以爲文王錫之** 菴必欲别立一 福 天子 鄭得戒 古注成王 大 歛 以 福 諸 福 即政 族 之 以 說 錫 祉 諸 奠 以 民 而

失于陸也鎬京之思 首章曰魚在 IN **楢以為美考亭先** 也三章日依于其蒲言王 頭大而身瘠也次章日有莘其尾言魚勞而 在 藻有頒 生于 非 其首 武王 此未之詳矣 澤竭而不依于 此即牂羊墳首之 前 誰思 平 明 明 水 刺 墳 尾 辭

獨楚茨信南 雅 自 節 南 山以下 Щ 甫 數 田 大 篇 田 指言 序皆以 農事故朱子 為 刺 幽 王 之

楚

茨

信南山甫

田

大

田

事文 意于末章 託意深 之 以 其 為 歎 見 時 幽王時之 **標異** 古 矣安 幽王 懷古之意皆于首章見之 告 · 者 微 田 見之 何為 得 懷 失道苕華有鮮飽 利 祭祀之詩以不見有刺饑之解也葢 卷五 詩愚以時考之 及寡婦令無哀此 古傷今之意 有倉盈 信南 讀其詩不知其時可乎朱子當 日川 維 見于言外 報 之 知 賽 禹甸之 大 歌 其為刺 **矜**寡之 歡 呼 矣 田 圥 甫 故不 之 日 何草有不 政傷令之 伊 田 樂乎獨 而 寡婦 · 覺爾 日 非 É 美 也

思讀 始 之 子宜 有 毛公之 在于 也先 傅 懷 叉惕 明 小 其 日 小 君 旻以 精 亂 抱 大 旻小宛小弁昊天何人斯萋菲谷風蓼 而 履氷之 賢平 ير. 臨深履 子 矣 作前後七詩皆爲宜 生 信 下至于蓼莪八章知不獨小弁為太 讒乃呼父 也皆緣信 小旻日 薄之憂矣小 慮至干 潝 渝 母而不得 讒爰恨 彼何 訿 弁怨慕極矣原其 宛即 日 訿 作 葢言 也意 勉之 呼吳天 那 者江 以 斯 謀 所 而 爲 明 發 愬

没 寺人孟子又是宮中之人所言者皆宮中之事也 斯 子至矣况是宛弁皆以小名鳴鳩點斯託與無異 父母昊天岡極欲報不能孺子之慕甚深其教 辭 詩之意其殆是乎各章朱注分屬愚以為一人 篇朱子以爲朋友相怨其實即衞風夫婦相怨之 為蜮萋非貝錦以致寺人作詩欲投豺虎谷風 而大東四月 似爲申 事之言以意逆志或不懸也 后而設至于蓼莪一章頻致意于哀哀 以見家不齊而國不治也夫子序 丰

鳥鼠同穴之山山海經之所載也爾雅云其鳥為

鳥鼠同穴

穴山之名也鳥鼠者同穴之枝山葢二山也葢鳥 在隴西首陽縣之西今之渭源縣是也蔡氏曰 鼠之或為雌 雄或不為牝牡不可得而知也故景

在內也尚書傳曰共為雌

雄

張氏日不為牝

牡

同

鵌其鼠為鼵

郭璞注日其穴入地三尺鼠在外鳥

純兩存其說然同穴而處明是一山分之爲二殆

不然也

當 ĔĴ. 甲 年 加 國 と 享 艮 亦合 甲 文 與二宗 祖甲以為不 有差鄭箋謂武丁以 國 齊雜說謂無逸之篇中宗享國七十三年高宗 既為太宗不當 票 祖 五 無逸 但太 與 孫 齊名 不 九 應 甲 年 卷五 爲二宗之 重 更為太 義逃之 旭 稱 名 甲 且 享 祖若云殷家亦 祖 民 甲因三十三年太甲之 國三十三年世系 祖甲為賢欲廢祖 加 間孔 Z 祖辛 不 應 傳謂帝甲淫 궲 顚 至 丁叉何 젪 倒 其功 在後 旣 庚而立 亂 故 且. 功 順 不 歷 可

言日 蔡氏之非 祖 國 百姓 公而正之 乃 耶 役農畝之事豈皆能服三年 有爵命者 以百姓為有爵命者楊 古 昭 百 者民無 明朱子謂畿內之民蔡氏從其說矣孔 姓 祖甲也或以為賢或以為淫亂安得起 謂 昭 爲 百 明 姓 姓 君 17 :: 有 服三年禮也禮不下庶人 如 姓 喪考妣三年四海退密八音 者皆有土有爵者也因 升華引張說對 耶但遇密八音 明皇 且 之 周 有 辨 thi

耳文標 芥海 水 呂 已此解甚確 江 因思 思巷 膠 E 西流導入流沙叉沱水西入大江 沒謂 轨 中 夜 弱 郹 之見矣 衆 水 日天 水 汨 水 水 性 旣 沒 有 洪 朝 變 雖 西 卷孔 水 水 異凡 宗 異而不可以爲異也 一定之 占 獨 可 水 以 漏 東流然 懷 性 皆 声 洩之 能 非也若于 山 亦不 載 襄 陵 有 物 獨 惟 可 重 尾 物 荆 枸 間 潛 弱 理不 水 州 焉 水 也 陷 不 卽 地 西 察 能 南 如 肺 爲 常 負 弱

其 國 平章二字有 蒸叔 康 吳幼清日 叔 其監皆謂 皆武王 監 或以為武庚管叔蔡叔或以為管叔蔡叔 辨章 惟 天子使其 康 叔 諸族之 君 分殷之故地為 孟子言周公使管权監 权 之 用 之 管 為辨章者人或非之益 衞 大夫為三監 君 权 碙 非謂 存 君 敀 邯 書言 别 蔡 邶 叔 以 鄘 王 君 衛三國 啓 而監 鄘 殷 監 後 殷書序亦 尚 因 矦 周 而使管 書大 官 國 叛 言立 也 而 叔 霍 廢

魏武 事文原異 第 Щ 右之分也碣石之在右 郡南二十餘里碣 石 姓韓昌黎袁氏廟 而義同也 焉 入于河人 漢樂浪郡 短 日辨章百姓百姓 夾右碣石 歌行日東臨碣 多 止知有 遂城縣之隅長城起于此山載 **碑亦用辨章二字辨與平字** 石之在左者在高麗之 者 碣石不 昭明史記又以為辨章 石以坚滄海禹貢夾石碣 即 大 知 河 赴 有兩码 重 海處 東 在 石有 有碣 北 左

謂之 與 所載 說命日 莊子曰傅 舉 路 朝 献 於 鮮志中者也孟德所言日東臨碣 日傳說負壤土釋版 17 | 十二 是矣 版築 飲魚鹽類也總兄其處于困阨苦心勞志之 卜築也此說未嘗不可然 說禁傅巖 說築傅嚴之野是明有其文矣孔子語 之間 說胥靡惟蔡氏云 墨子日傅 ₹ · · · 築而佐天子孟子日 說 築居也今言所居 被褐带索庸築傳 如齊論 石則禹貢之 所言 傅 版 华 巖 循 說

意若云築居是悠游自適之境何以見其生于 時 黄石齊日 也 患而當大任乎蔡氏之言非聖賢立說之意也 歌 用 男 謂 國 兒 巫 \ 151. II. 楚解九歌所言巫以歌舞悅神與今之 山 無異矣伊尹 巫 日巫女日 恒 風 舞于宫酣 非緣此乎晉夏統傳女巫章丹陳珠二 後 女樂之 世 覡古已有之汲冢周書所 更有暮雨 1. I 書日 興本由 歌于室時謂巫 敢有 巫 朝 雲 覡周 恒舞于宫酣歌于 神 禮 風 女之事名其 盂 所云神仕 澗 舞 神 是

塞 又料 異

环 有國色其足以感均預艷者登下陽城 老三 北 里 哉

愚 相 兼者 謂古之巫覡後世變為優伶有男 其演 淫 詞 麗曲 使 魂動色 飛工 部 女 部 男 巫 覡

再业 百倍叉可以觀世變矣人皆習而悅之 又豈能禁絕之乎 雖 有 阿

衡

浦 江 張氏日 西 伯 戡 黎 西 伯 戡黎漢儒諸

爲武 南 呂伯恭薛子隆吳才老吳幼清 王朱子以為未有 確據可 說多 FL 州 及周文安皆 指文王陳 之實則黎

恐字一 禮 之 以 歸之于文王矣 矣故祖伊恐而奔告于受日天旣訖我殷命由 都 態殆出于觀兵孟津之後斷為武王之事不 要御疾莊 后注以葉 公為沈諸 記緇衣引葉公之顧命日毋以小謀敗大作 顧命之文在蔡公解內葢蔡公爱疾告穆王之 葉公顧 **戡黎者伐商之漸也亡齒唇翦羽** 奔字一艺字觀之勢窮解迫有釜魚困獸 命 梁然考汲冢 Ī 翼可寒 周 毋

こと語にまじ

RILL

言也葉字當是蔡字傳寫之誤耳沈諸梁之說 非

謂訛以傳訛者乎

所

威 容齊隨筆謂夏書甘誓啓與有扈大戰于甘以 **侮五行息棄三政天用勦絕其命為解孔安國** 大戦于 #

其

宜 禹獨與子故伐啓啓亡之此事不見于他書不知 也高誘注云有扈夏啓之 南子齊俗 訓日有區氏為義而亡 庶兄也以 知義 堯舜舉 而不 知

云有扈與夏同姓恃親而不恭其罪如此耳

而

金 也 居 伊 尼之 為禹攻有扈國為虛厲 誘何以知之傳記散軼其必有以為據矣莊子以 縢 毋遠天室是克商之初武王已作意都洛矣特 天或者借題發兵以圖創亂不恭之誅不可 國之東然逸書載武王告周公之言日粵瞻 - 4 1917 1 11 1 師 周公居東二年鄭康成謂避居東都蔡氏 周公居東 亦非出于無名矣弟不知與子之意山之 非也愚按以此言之 萁 則 洛 有

文 桴 具

未 東故平王以後稱為東周武王末年或謂之東 以時尚草創未遑營建耳成王營之以其在 可知也周公時欲遠謗避居 米二 于東康成漢人去 鎬 都 之

周未遠故决言居東為東都耳若云居國 不 越邦畿之外公所常游地也何東人賦鴻飛遵 一之東 則

渚之詩幸得見之又悲其去 耶

泉

刑

惟

明

虞書象刑 時畫衣冠異章服以為戮而民弗犯武帝詔 惟 明象者法也漢文帝詔始云有虞氏

其說 墨蒙 也 明 而 五 朝之 段 已不 而識之久而益 唐虞畫象而民不 刑 The State of the 雖 其 也犯墨者蒙 專于 未必然 制 髖 何 以 犯宮者 配 徒 刑 懼之可見 者 也泰之 然則唐 المارية المحادثة 多習 巾犯 湟 屏屏草 其 犯 人人人 末 熟而無所 鄡 面 以 者赭著其衣犯體 而 年 屨 虎通云畫象者其 猛勝 赭衣 所 刺 也大辟者布衣無 さ 以 者治術之 本 半道 耻也老子 齊民禮義 丰 以 示辱使 而奸 最 榮 者 衣 不 顉 息 唇 以

スポ 焦瓦

龜莢傳此丹 鉛錄之所書 路之行 厥 傳引書五子之歌有此冀方今先其行今文作 道按古文術從行中人叉音道石鼓文云我水 靜我術既平五子歌 五 子之 如景 行字 歌 作 祈 人之 Ŋ 左傳之言與韻相叶 術叶方 雁行 足行當作 網當從平音道 斯

再頁瑶琨篠蕩疏日竹之 可從也 瑶琨篠湯

關節者為湯周

多文標 節 儿 龍節皆以英蕩輔之注云蕩 以 古文尚書與尚書大傳毎有 亦 而 矣于 傳為 風禾 取則于 那國之 其所使之事以助三飾之信漢中之百使符 尚 書同 晃 盡 周 寶日英湯盡函也英刻書也蕩竹符也 節使 公 偃大木 此 死 米米 異 Щ 王 Ī. 誦 斯拔 國 欲 用虎節土國用人節澤 此 葬於成周天乃 周公居 同 函節之器則蕩 異尚書言大雷 東日之 天 雷電以 事也而 國 非 兩 即 風 用

若 不 此為言 盡 公旣死 敢臣夫公居東而雷 准 偃 曆 月令 大木 引之 書 南 則 瓜生作赤箭生 時 而 取呂覽月令衍為七十二 如桃 亦未之思 斯 則 雷電以風叉 **拔國人大恐王乃葬周公于畢** 訓汲冢 始華 周書 矣 電以 為 麥秋至作小 小 何 互有出入朱子作 風 桃 謂乎張與梅福每皆 者 華雷 為感悟成王 候 乃 暑 所 發聲下 載與

事文標具 瘁 黃帝素問引古月令四月有吳葵華無苦菜秀之 苦菜是也神農本草一名茶草一名游冬凌冬不 說本草吳葵亦名龍葵唐本草汪吳葵即關河 古今節候之異可黎考而得也 闔風至而蜻蛚吟日至而泉躍泉躍即水泉動也 至而楊柳津景風至而博勞鳴凉風至而鶴鳴間 卦驗亦載節候其書今不可見類書所引若條 詩日 古月令欽文 誰 謂茶苦其甘如薺即是物也葢乗初 、笨五 芜 間 風

居 時 之 葵當之 之 中 月令春候雁 也 雁居 也雁以北爲居何 雁 味而成暢茂之機于一菜見之矣古月令以 令與王瓜 北 鴻 鄕 其四重德禽 雖是一物不若明其爲苦可以格物而 雁 者 來 何見 北 同出王瓜感火之色而生苦菜感 秋鴻雁來冬雁 雁 也戴禮 以謂之居生且長焉 而 後 數 其鄉 夏小正之文則 北 也 鄉 鄉 此十二 者 何 一候之 更 鄕 吳 知

之於 樂 月令仲夏之月賜始鳴即伯勞也左傳謂之伯 來 而之 鴻 形 府 鴻雁先言來而後言鴻雁 雁也何不謂南鄉非其居也至於鷹爲鳩善變 也故不盡 仁也故其言之也盡 謂之伯勞禽經 似 禮其功 鵙 鸚 始 鳴 鵡 易 非 林 其辭也此皆禮文之所未有二 補 日 注云 賜 也 必 單 伯 其辭也鳩為鷹變而之 勞飛不 栖 何見來而後數之 鵹 必匹 蝌 飛 翔 亦 直 刺 戴 則 III 趙

為鼠者辰巴伏也子與午陰陽之 国 八樣具 之次葢三月大辰但見候當出火故田鼠至建 勞飛燕各東西言單栖與匹處之異也曹植鳥論 擊百鳥畏之蜀中名駕駕亦乗火令而生 夏小正曰三月 月化為駕八月辰 以伯勞為伯奇所化想當然耳 田鼠化爲鶉十二支神子位屬鼠午位乃 田 鼠化爲駕 ※ 然 江 田鼠化爲駕鷯也即 伏九月當 納 火而 極 **弩** 神交變化 **艘** 鵝 也 莊 詩 建 鶉 日 西 辰 伯 月

華文標 禮 真 氏日 禮 陳 此 能 之 則 椒 隂 窮 禁矣益奔也者 男女之 具六禮 重天時權許之也由此言之 峯 陽之定 仲 蝙 異 不待其 蝠也未知就是故並存之 日 春令會男女 周 失所者 理 耳當荒浸或 旜 卷五 亂 业或日 仲春之月令會男女奔者不禁 而為之 介者 簡率 多矣故 駕似鳥而非鳥故文曰 所 成婚若 孤 先 也况曰令者媒氏令 弱 禁 王通 不 奔者真奔不禁 能 鄙 歪 此 自 野小 存 姓之 必待 格 以 爲 鄭

夏钦冬華干嚴霜是人多視齊與葶麼為一考之 之會哉故權許之說謂許其不成禮則可謂許 之 本草葢齊自齊而草歷自夢歷也草木子黃帝 水菜枝葉細碎謂之靡草董仲舒日葶藶枯 亦將以權而許之平 月令靡草死注云游苨葶藶之屬淮南子注云薺 非私合矣不禁者不禁其關禮也豈踰牆行 則不可 靡草死 果 如 鄭氏之言則如君王后卓文君 其 露 仲

通日 歳 **事**文標 可為 月令荔挺生本三字句也鄭元日荔挺馬薤也 印 生 . 曠日 早草者蒺藜也歲欲 此觀之薺與葶藶是 欲惡惡草先生惡草者水 甘草者齊也歲欲儉苦草先生苦草者葶麼 一荔 刷蔡雍 荔挺生 [歲之苦樂可得知乎 異 挺不出國多火災說 老 高琇皆云荔 五 於療療 以 是二葢 草 藻也歲欲早早草 文日荔 日 挺 先生潦草者蓬 出 可歲欲豐 判 是 圭 然 似 則 浦 矣 以 一甘草 荔茄 而小 挺 根

注姑 檀弓日細人之愛人也以姑息注姑且也息休也 句者竟不成文失經義矣 義未當也尸子云紂棄黎老之言而用姑息之語 周官太師太傅太保曰三公書大傳曰太師天公 于姑且休息之言校得情矣 老媼之愛小見如諺所云惜孩見誤孩見者也此 姑息 媼也息小兒事不求義理之安止圖苟且 太師太傅太保 楯

事文模具 尚書而襲其名平 竊周官之意愚謂賊人之言 免三公則又無所分于天地人之 亂有天公將 大政坐而論道而已 訓 地公是有責者也後 雪 也太傅地公也太保人公也山川不祀風雨不 責在 霜不降責在天公臣多弑 人公城廓不繕溝池不修水泉不隆 卷五 軍地公將軍 非 世亦有三公居于政府票 有若古之區别也漢災異 偶 公 主孽多殺宗五品 似此耳彼何 將軍之 職 圭 矣至張角 稱或云 責 知 創

大 大夫之條 周 歆誠不勝誅矣 逢 刑 暴虐之君之所不為而謂周公為之乎助紂之惡 刺謬矣焉有周公制 禮三農之 王莽之 不 上大夫此聖王之制 刑 農生 不 惡欲以威 附之于條 上大夫 九 解其說有二前 穀 狼氏 劫羣臣遂 禮辱及三事者平此後 此 所 與 鄭日山農澤農平 W 刑不上大夫之 偽 敦國體也自 作 周 禮 有 劉 鞭 世 說 汰 撻

也後 處有之後鄭之說未爲非也 為是山農南方之刀耕火種巴蜀之雷鳴田也澤 鄭 學文堂載樂記云武王克商食三 也思謂山農澤農蜀廣之分固是然平原山 面者是也若 廣東之葑 康成曰三老 鄭日原與隰及平地也楊用修日 五更 原隰平地只可言中原不 田雲南之 五更各一人皆年老更事致事 2. L 海簲 水 圃 |老五更于太學 浮種于江湖 涺 先鄭之說 可該邊 鳳 甸 Ż 處

事文档里

名以三五取象三辰五星也宋均云三老知天地 人事者五更知五行更代之事者也漢永平二年

老為一人五更為一人也陳氏祥道云古者建國 以桓榮為五更甘露三年以 學三公非一人三老五更亦非一人矣蔡邕明堂 必立三卿養老必立三老禮曰三公在朝三老 論云更應作叟老人之稱則更乃叟字之為亦錯 鄭小同為五更是三

鄭伯克段干鄢

文所間者有矣

事文標異 有妙義不可缺 無鞠也必也藥本病者公羊氏愚謂三傳之文皆 之如勿與而已矣穀梁斷之曰爲 鄭 緩追逸賊親親之道也張寫王曰從公羊之 案公羊日克者何殺之也穀梁日克者何能殺 钢 叉曰于鄢遠也猶曰取之其母之懷中而殺之云 以謹始使無敗也從穀梁之緩追可以雖敗 深誅鄭伯之心也公羊斷之日 伯 克段之事左傳言之詳矣公穀兩家惟 \* 卷五 者也 鄭伯 母欲立之 둪 者宜 勿與 奈 E 斷 一殺 何 也

寳也 終篇前息牽馬操璧而前日璧則猶是也而馬 加長矣公羊曰獻公曰子之謀則已行矣寶則 先晉不可以不言師 非國而曰滅重夏陽也虞無師其曰 微國也曷爲序乎大國之上使虞首惡也穀梁 異左傳正敘之公羊穀梁大同而小異公羊日 假道于虞之事三傳皆有唇亡齒寒之言而文各 雖然 **虞師晉師滅夏陽** 吾馬之齒亦已長矣一自善其謀 也發 明經意尤為警策至 師何也以 虞 其 五 齿

者也 者謂成風莊公之妾僖公之母僖公爲君故得與 事之源限 春秋之義得傳而信亦得傳而疑如僖公八年 于齊當與會絕不當與稀以爲非禮 臣之謀而以戲言相樂古趣津津此左氏之所 致夫人不言姓左氏以為哀姜公羊以為聲姜穀 以為成風以哀姜為說者以其旣絕于魯又殺 以其爲僖公夫人今乃歸于廟 用 致夫人 林五 見以 丢 以聲姜為說 成風為 說

爲 祭 者 其 ことオーニ 異 氏三傳 叉 闢 足 隱 **點或大或小光彩** 如 夜中星 之 **同更當** 公夫人 以為傳 星 澠 隱公時夫人子氏 殞 水 如 耳向 頻 燕談 總無定 不 功 雨 有五 極 疑者不必為傳罪也 多敲擊 調調 然傳聞 焕然 傳使 論 建 隆 愚 中南 異解 所 薨或 有聲 未 謂今之 謂 至 地 都一 故記載不一 鄒 以為隱公母或 喪 氏夾氏俱 所傳者特公 而 俱滅 夕 星殞. 景 明 其 存 祐 如 H 榖 信 則 以 視 雨 初

事又標具 占之必有各得其驗者矣 之光也不及地而復者是雨星之 **成石者多矣亦間有成鐵者亦間** 王濟之日春秋書木水漢書謂之木介又日木 左氏以如雨而言皆非雨也愚謂 者公羊傳中星殞如雨謂不及地而復其說本之 而成石者是雨星之質也雨至地而滅者是雨 累百盈千大小皆石也忻州民家循 木水 卷五 神也隨其異 有 達 天道至變殞 作人形者 有藏蓄之 而

注 餘 雜 達官也愚 見之 謁僉壬 偷變也公穀作輸墮也諸儒從公穀作 冬岸錄載春秋 草樹皆若 荆公 似 鄭 詩木 在 人來 煙 日 輸 非 位 謂此亦災也陰盛之象 稼嘗 納 幡 偷 則在僉子 煙 也前書魯伐 平 幢少壯 似 聞達官 鄭人來偷平左 雪 非 無 雪行 鬚髮盡成 怕 余 定之占也 道 鄭 未嘗 花 在 傳謂更成也傳 皓首謂其應 女謁盛則在 范尋丈不 京 有 邸 成 鄭 輸 化 而 末 辨 在 玲 親

叛者 成也則何不可之有乎渝字於經文自通不當改 事と東美 勉齊經解云公羊傳日葵丘之會桓公震而殺之 也 求平也言渝平者非也夫經明書來具有求之意 氏不過更成也是謂鄭人來求釋憾而更變為 可知傳注以渝訓變若云變前日之平良非而 鵬飛云葵丘之會惟六國會鹹牡丘皆七國 九國九 會于葵丘 國謂叛者多耳非實有九國也宋儒 KE 合 左 平

住 八国学月

昔人之意矣古人言數之 者伏于九地之下此豈實數耶楚辭九歌本十 淮入國寧有九國平公羊本意謂 猶漢紀云叛者九起云爾趙氏如數求之不 辯九章爲一章以協九數亦趙氏之流矣 九諫干王孫武子善攻者動于 辯亦十篇朱人不知古人虛用九字之意合 張氏日夏公伐齊納糾齊小白入于齊左 夏公伐齊納糾齊小白入于 多止于 Ĺ 濟 九天之上善守 逸周書云 震驚而九

喜汉縣 程子朱子以及胡氏遂斷以小白為兄 管子减序糾于小白之上言弟者特薄昭一 稱齊桓殺其弟以及國 公生公子諸兒公子糾公子小白亦序糾于小 于桓公也明矣前漢書上令薄昭與淮南厲王 子小白不能存序糾于小白之先矣管子載齊僖 先矣荀子則明言齊桓殺兄以爭國是子糾 而胡傳遂以左傳為 料作于科穀梁傳公孫無知弑襄公公子科公 疑 彩瓦 誤矣荀子明言殺兄穀 而程子信 荛 之文定文公 何哉 從 書

也 事須東古與從漢書不若從先秦之交近而有 徴

國佐盟于袁婁

事 衣 國 佐盟于袁婁公羊傳憨極奇極其先序頃公之 服與頃公相似代頃公居左使頃公取飲頃 謂逢丑公者頃公之車右也面目與頃公相 公

同 絕 矣後用前此者三字倒序卻克臧孫 姪子踊于棓而闕客則客或跛或眇于是使 許 聘 晉

操

飲而至日華取清者頃公用是逸而不反已

趣

獲麟故大其適也其不言來不外麟于中國也其 者 西行獲麟或以為春秋成而麟至 不言有不使麟不恒有于中國也公羊日何以 秦中最佳之筆如火棗交梨非菽栗恒味也 孫行父禿晉郤克眇衞孫良夫跛曹公子僂使僂 者迓跛者眇者迓眇者而穀梁冬十日篇又云季 御隻者禿者御禿者 至而春秋絕筆紀異也穀梁日 西狩養麟 《彩五 更益二人愈覺可笑此 非符 罕 紀瑞也或以為 而日 符

家傳會聖人之說不足紀 之爲瑞爲亂臣賊子懼而見也若謂孔子生而 唐處之時非異乎謂之為異為夫子道窮之 至孔子將終而麟又至以麟始以麟終此好事之 兮麟兮我心憂有聖人而麟至非瑞乎麟至而 由穀之言似以為瑞由公之言似以為異矣夫子 紀異也何異爾非中國之獸也就行之采薪者也 乃作歌日唐虞世兮麟鳳游今非其時來何求麟 書孔子生書孔子卒 也 徴

耳 也左氏經所有者或不傳經所無者或傳之故先 劉氏日公穀皆解春秋春秋所無者二氏未嘗 相事乎丘明之筆未當不審處也 為卿乃書卒此不合書夫夾谷之會夫子不當攝 人之出也書本者悲斯文之喪也書法雖殊其義 公羊穀梁書孔子生左氏書孔子卒書生者 也杜豫以爲獨書孔子卒者因魯史也劉炫以 ス標具 以其或先經以起事或後經以終義或依經 左傳異于公穀 寒寒五 罕 慶

陳 卒左以爲聲子公羊以爲師尹是一人而男女有 為傳不必合為一也 氏公羊以為惠公母穀梁以為隱公妾也公羊論 異也仲子公羊以為惠公妾穀梁以為惠公母子 公穀以為珠 異同不可不審也如公及儀父盟于茂左為茂 椒峯日漢以來所編古經俱自三傳中出所 理或錯經以合異讀左氏者當經自為經 傳 禁御 左 為鄰公穀以為微至于君 傅 而 自

域而 者矣大論 也公羊 歸 爭奪之 桓 有 以 隱 論 為辭者 以 地 미 為母 蒯 以為 利 以安社 禍 正 **職之事日** 是 也趙 國家為辭 國也後之 以子貴 矣公子 弘 反 執入 思 經 稷專 罗 之 信 是 晉陽 權 之 臣子 路後 者 結 父而 取其檗以見 後 矣祭 ٦j 媵 世有 也後之人臣有 有 歸 以 辭王父是啓後世父子 世妾母陵偕之 仲執 據邑 遂 叛 廢置其君 盟公羊云大夫受 歸于晉公 贝 椒峯讀 五 鄭忽出罪 叛 逐 書堅 生事 穀三 端也穀 如 君 博 在 側 言 之

事·文標具 其爲後世之慮者遠矣 别本也有之 左傳之别本也有魯論又有家語家語者留論之 有后養曲臺禮記數千萬言既有周禮又有 古之經書皆有別本如禮有儀禮戴禮諸經而 子此皆不傳而所傳者有左傳叉有國 周 禮 鄭氏引之以注周禮有孟子矣又有别 五臣 經書別本 米五 固可參觀無之亦不必多求也 語 國 别 本 蓝 者 盂 本 义

三年、「一年八年大 堯賜 字若契本字 <u>--</u> Z, 為弃考之于古葢齊字也其字從弃故字叔均 有呂按 之外當有五人尚書曰三后降典首稱伯益其為 舜之五臣自禹 學文堂集五臣為禹稷 然呂氏春 賜契姬 契 弃古 姓 姓 姬 秋 高音皆今定五臣之 W. S. L. 者賜弃姓也下尚應有氏日 棄字也因 賜 日五人佐禹欲盡地利至勞 禹姓 而下無異也王潛夫姓氏志 姒 后 契鼻陶伯益干古無異 氏日有夏伯益為姜 稷不 由 人道 名當日 坚 而 馬文 有周 也 生 日 則 氏 故 节日

三三万相見

稷弃商尚皋陶伯益 ええ

也

業 異矣及考子羽懷干金之璧陽疾波起兩蛟夾舟 **澹臺滅** 羽 子羽日吾可以義求不可以威劫乃斬蛟投 人名施于誻 退而修行行不 一云滅 儋臺 明不畏 明武城人賦形甚處夫子以為材薄既受 滅 明有君子之客行不勝 投壁以 **疾夫子** 明 由 聞 徑 明不吝七十二賢 南 Z 日吾以貌 游至江弟子從者三 其貌是二說大 収 人圖其 人失之 容 壁 更 斬

金仁 13 武 意當以七南為是 教而化之者 弟子傳 爲子輿葢 有事于興故字子興若曾子名參參乃星名亦字 與不相合矣吳氏日参七南及當音縣縣而字 文標異 過於子路 山日曾子名參所金反當音森子興本史記 曾參 然孟子又字子 取 歟 參乘之義猶立則見其參于前也之 殆 卷 威而猛 而 孔 所金為非 輿益孟子 者君子之容想沐夫子 矣 · 名 軻 胃 軻車 軻 也

請以殉葬子禽曰殉葬非禮也雖然彼疾當養者 讀檀弓二子禽子車之弟子車死于衛其妻與家 陳子禽有仲尼豈賢於子之語子貢責其不知 者為之也于是勿果用夫子禽所謂一言不知者 如此之言可謂一言知矣殆聞端木之規之後反 **韩若妻與宰得已則吾欲已不得已吾欲以二** 大夫謀以殉葬子禽至告之曰夫子疾莫養于下 不知而為知也數 及

事文傳異 此 大彭之 老子傳之尹喜此述而不作之事也呂 王逸楚詞注 輔嗣 也司馬彪 彭姓錢名 千餘 於彭城徐 老彭 Ž 墟 歲 說 至 而 莊 殷末 也三教論云道德五千本容成 **鐵商賢大夫陸終氏之仲子封于** 以老為老聃彭為老彭分為二人 州 彭 有彭 袓 注 年七百餘歲朱子之注益 即老彭善斟雉羹 彭 城縣潛夫論顓頂師干老 袓. 餌 雲母 娶四 災 以事帝堯堯 氏春 秋云 本 所 彭 晩 說 則

磬 心又復鄙共 太 食雲母連 如此之人夫子竊比之 于衛之意 久矣擊磬 鄭氏妖淫 玉山人講 擊磬于 Щ 之分而已 于衞 衞 硜 亦 果 敗道非壽終也東坡之詩議之日空 盡不見蟠 哉末之難矣果字末字甚異看 硜 甚微謂 傷時人之莫能行其意也援 非無意也石聲磨磨以立辯 歟 荷費知孔子之心故 衞 桃 自聵輒之亂孔子欲 結子時此殆謬說豈 日 有

整字 傳 之于末則難衛今若 其 風 浅深 别 說 厲 禮 疑錄謂子 也隸 果 樂冬夏教 揭言之見其父子 解 詩 論也子曰果哉舊謂 也 然 書 也末之 轨 所 執字與執字相 禮 以詩書之義然以 雅言詩書執 難矣天下事 此吾末如之何也已 相爭至成滔天之惡非 其果于忘世 類 禮 正之 執樂也即 執字當是執字 **執為樂去** 足 于 始 亦 春秋 則 非也謂 甚 執 易 教 新 救

篤日吾自束 之意遠矣說雖 束脩二字有兩解論語中自行束脩以 也十挺為束 文標果 堅日吾束脩自立君 則 也論語東 束脩 湖 以為儀 連 脩 李固奏記梁商日王公束修屬節 脩 彩五 薄者旨 若 以 通未敢以為確也 來為 作 此 斯得 何 解 人臣不 謂 亦通然味吾未 降耶 也 慆 皆檢束 不忠荀羨擒 上謂束 修飾之 脯

事と意思 对加 夫 學豈止 誤 愚調 容漢人 瑚也享 知 錄 漢以 觚 記日夏后 觚 此 載 字之 後 禮註 避惠帝諱盈之字日滿 朱子之小疵 朱子 不觚之獎說者不 经丘 師 引發氣滿容今儀禮文作發氣 註 氏之四 論 未嘗見也又不 耶 語 璉 夏日 也得寧人 殷之六瑚是夏日璉 瑚 或云木簡木簡 問日 可削之 此當敗 咒 爲拈 璉此乃古 出于 而 而不 圓 攺 圓 起

マノ本 ヨン

觚 則 成 之 似 而嘆之 觚 穩 杖而 胍 古 爲 春 非 道 秋 酒 簡 矣 먊 之 明矣腹 且事之不古者不獨 世 牟說文鄉 已有 有 破 飲 四 稜 酒之 而 爲 下至于足 禮 圓 者 獻 觚也 取 以 爵 其 取 其 鎔 而 酬

無能收於 魯事不可為子 其德 路事季氏 故関子高不仕之 而 被 说晚 節日必在 冉有事季氏 汶

而

汶

上

循

南

山之

南

北

山之

北

也考青徐

之

間汶水

で朝之 上 言不可踪跡 者徐州之 東入于 **汶嬴汶紫汶語汶洋汶其流同也出**鄉 龙麒 在 有五見之孟子之書然孔子但言齊桓晉 語 五 異 水 即 伯 如 則 濰 10 米五 汶也汶之為言紊 在 未 者 方 也循詩之 水 溯 青州之 聞也先 中央 洄 從之 汶也 超 兼葭蒼蒼白 然 道阻且長之 以秦穆宋 、遠矣 出萊蕪原 也 益 哭 露 亂 寒楚莊 足之 意必 為霜 山 流 也 南 琊 在 在 泰 所 汶 謂

衮之褒庸足計乎 周之 無可許可者考伯子即子桑扈離騷日桑扈蘇 宋襄楚莊既長于諸侯矣即以三君當之 或云是三君 仲弓問子 有當在所點或日五霸夏之昆吾商之大彭豕 時而言遠及夏商 齊桓晉文配而為五然孟子假之之 桑 伯子 桑伯子夫子亦可其簡伯子之簡似 者猾夏 非其意也但伯者長也秦 **| <b>怖盟持强** 以脇 中國于霸 非有 說但 何

事文標 仲弓德行之 王逸注去衣廳 父耶 而 正子輿與子桑 歸之于命處困而安者也故夫子僅 飯 異卷五 思 母 丽 业 地造 極 夫 往食之 者 使 儒 天乎人平子 我至 和 命也夫尋其歌 自 私 貧 至子桑門 擬 而行也是放廢禮法之外矣义 友 此極 森 我哉求其為之 雨 與入日子之 者 十日子 矣 而 開其若哭若歌鼓 似 勿得也父母豈 有 興日子桑殆 兕 怨 者而 尤 歌 何故 可其簡 而 得

無 4 間 拈 春 名 原 後 徐 鄕 秋 達巷黨人 如 稱之其人 時 州 北 論語詳 人附會之 可言者 <u> 5</u> 沛 沛縣 鄕 縣 即 而直 **欺童子乃夫子** 在 為古互 居 以 解以為人名進退不分日互鄉中之 也如 宋商 此名之循 闕黨者 人即 鄉 拟 水 即 或 爲 在 以 指 為 陳 直 鄉 陳 將命之童子見者 躬稱之居達巷 鄉之原人人 闕黨童子是也而或 名豈萬二千五 因夫子嘗在陳宋 州 商水以為互 即 者 有 以 之 鄕 即 鄕

其說 年と票 葢 誤 埤 故 而進之 也嚴 匏瓜 矣葢 物 雅云長而瘦正日 而不食 甚明岩 而責 匏 Į. 無 非互鄉之童子也其 氏 匏 瓜 苦 用 釋 共能飲 國 語 詩 潤繁于 狐廿定非一 さ 100 調 叔 物 **匏**經 食哉至 但 向日 瓠 其處而 可 苦匏不材于人共濟而 短 繋 霜 有 Ü 葉 物 頸 説如 焉 落 大腹日 不能飲食豈有種 渡 引天文之 能 水 取 繋之 緊而不食以 业 而不 季 **匏匏謂之** 腰 可食 以 故 渡 峇 瓠 植

星名繫如日月星辰之繫則太遠矣

懷資迷 那

陽貨所云懷寶迷 失時可謂知平日不可為

邦可謂仁乎日不可為仁也從

知也兩不可之日

句 相 似皆自言自斷之語

否則貨如此言夫

解漫無可否

而

氏以為皆陽貨之言也如管仲不死日未仁

不仁不知自任乎觀 此應模稜甚矣豈聖 人應對之

將住矣句有孔子字孔子者正 兩日字無孔子字下 所以别干陽貨之

事·文標 金生水冬行為水 夏有二焉何 杏色赤 太 言也 泉土也土生金秋行 盛故再取之義未當 爲 升卷日鑽燧改火四 木 鑽燧改火 異 以象 榆 柳色青以 水水五 也土 火也火 柞 位 泉 在 生 楢 中而 徑 土 也先王取火法於五行 時而五物焉朱子謂夏火 為金槐檀色白以象金 木 季 也木 黑以象 寄旺 夏 生火夏行為 行為上桑 水 於 圣 也四時平 四 時季夏者 柘邑

於子非僅隱也自有義方之訓子之於父非僅 **執而誅之直躬者請代之將誅矣告吏曰父竊手** 餘冬序錄載楚有直躬者其父竊羊而訂之上 也自有幾諫之言聖人之言有至妙之道存也而 直 之長夏本之朱儒之說也 土之中位故月令於仲夏之後列中央土素問謂 而許之不亦信乎父誅而代之不亦孝乎信且 躬之說會論辨之日父為子隱子為父隱父之 直躬 隱

高者去為孔子弟子適令御車 出 虎盆真子豈不知匡之 論 さ 此 說詢若是乎 子貌既類虎矣又使虎臣為御 語緯子畏於匡非 異哉直躬之爲信也一父而載取名焉葉 畏匡 貌 惡而致其疑耶聖 類陽虎以陽虎家臣 而前 聞之乃不誅也孔 垂 則匡人 故匡 視子 疑 、殆不 顔

野文様果 射其左目 表十旬勿歸羿距之於 窮 射之羿 仰天歎 天下死為宗 一並出焦禾殺稼堯 格殺之又一羿也 之君 羿 風伯 有二淮南子 偃 我將 姓年二十 壤 布 人皆 人屋 射 四 祀之 使羿射九日而落之有 方太康荒逸畋於洛 習弓矢慕羿之 河 射中共膝叉誅 羿堯時人河伯溺殺 此 使歸國後羿 善射與前羿之 一羿也又有羿 名 楔偷之 徒逢 而 Ė 屬 名

事文標果 史争之日有妻子不可立妾子愚謂太史之迁甚 辛母正后立為嗣以母賤言之是啓與辛不同 史記帝乙長子日微子啓啓母賤不得嗣少子辛 子队中日何季日辛庶妃生箕子皆賢初啓母之 矣知子莫若父 帝必有見於辛之必致敗亡故欲 生行及啓也尚為妾及為后乃生辛帝欲立啓太 矣帝王世紀日帝乙有二妃正妃生三子長日微 微子啓 謂此也 至

善啓雖異母尚當立之矧同出一母是嫡長矣何 天其厭絕之也及觀程氏外書朱公掞記伊 俞宗大日子見南子子路不悅夫子矢之日予所 立路也帝知辛之不善太史亦宜知之矣知其不 乃以否為否泰之否韓文公筆解亦曰矢陳也 不者天脈之孔氏諸子皆以矢為誓謂不合於 可也而終從太史之諫以致放置南巢惜哉 人之身分妻妾也帝宜毅然勿聽則商配長存 所不者 道

陳 厥 非也又以厭為擫益失之矣孔子見南子任事 否自必有所見 將 謨之矢伊 政理告子路日子道否不得行汝不須不悅 為否泰之否 韓文考之亦 一一里人已 厭 韓 此亂世 昌黎論 Ш 也 誠 告 莊 退之一 而終豈泰吾道乎則矢乃皐陶 厭當為厭亂之厭孔子以矢為 謂韓昌 解 有 可議者 代 黎解失之 鉅 如六十 儒皆以否為否泰之 五古 鄙淺愚取 而耳順 解 世

する相上 解云時當作待 死當作先浴乎沂 解云直德之誤 耳當為爾猶言 謂當作為言 以夫解云仁 解云嗅當作 有答侯 子貞而不 为 當作備以杖叩 冉有 鳴雉之 問 如此之 言人生秉天地之大德也三嗅 如此也曾謂泰山不如林 論語書日愈告註其書不 解云浴當作沿君子而不仁 解云諒當作 為泰 類不能悉數而伊川 |聲也子在回 山非禮也人之生也直 讓孔子時其亡 其 脛 何敢死解 解云叩當 放平 収

節 **摩·火源** 節文理 尤 功寧可沒乎 求其意取聖人之旨而合之足以信後生輩耳 石經之文於 以平易若此前有韓註 知 艮翁日大學之 勿視 石 舛 節形幾節聽訟節自 經 四 大學 語 錯 致知 叉 忽於正心章後增顏淵問仁子 删 张 顶 格物 書莫善於禮記莫不善於石 此 謂 下文 而朱註為之 知本二句 物有本末節次綿蠻 天子 節而後接物 奎 此 加 詳昌黎之 劉歆所改 經

傳至賈達處松者其谬不待言矣禮記之文於

知格物即在誠正修齊治平之中故不必重言以 其物有本末之物致知者致其先後之知是則 其不言格物致知黎玄武發微所云格物者 知之至也下即接誠意至平天下五章似為直 致

釋之也

**可馬貞亦以為七十七人魏王肅本自顏回至** 馬端臨日孔子弟子史記家語所載皆七十七

弟 遠 圖 有二 足七十七人之 궲 文標異 **今無考太** 乏 子適足孟子所云七十子之 本鉄之 推真 顮 有二唐 列弟子七十六人索隱 氏居 卿俱 耳又北齊顏之 學 蘧伯玉 顏 八八人之中 氷 聖 數云陳 颜氏裔 真 拞 賢 卿自 非 圖 弟子 敘家 不 椒拳云今之可據者 孫必各有 過 推 顏 七十一人 止七十二人內 譜 何與焉索隱 稱仲尼門 數 稱孔門 顏 柔 據今當以 何 C 徒 載 而林 達 去 者 升堂 於家 古 有 顏 石 室 廉 非

**穫我心急錄之以正集注之** 未携毫 閱之詳載孟祠配產之 有仲子問 氏之 於 仲子朱子注為孟子從昆弟葢從趙氏之說也 康熙甲寅之冬道過鄒邑見道左一碑 澩 孟仲子 譜謂孟仲子名嶧睪 楮惜未之錄也乃讀穆 篇葢嘗學于公 數敘 談 孫氏者得此一說 述仲子孟子之子 山道人日公孫子 都聽雨紀談云 停 時

火, 問 海濱忘 或謂信 愚謂孟子立說每于不 此漢 其如 臣庶汝其於予治舜告阜陶語也鬱陶乎思君 就 章問舜不知象之將 阚 其事而原聖人之心 人之 天下而已論泉 何 此言也孟子實謂完原沒井實有其事矣 忸怩五子戒太 在 蔽 阜 也不知 倒 則日 之言 康語也奉合以為舜泉之 經之言不即論聖人之事 殺已與孟子日奚為不 執之而已 如瞽叟殺人本設言也 亦循 部 是也或又日 在 郊 傳所載 則日裔

鞋

文 標果 8年5

有 4 言必非無本者後世如韓文杜詩人或有指摘之 相同者况載籍經秦火之後鉄有間矣孟子

賢耶 者究其用字皆有出處豈可以寸管之識輕議

鯀

太史公舜本紀舜請帝流其工於幽州以變北

放離地於崇山以變南蠻殺三苗於三危以變

西

我極鯀於羽山以變東夸由此觀之則皆使之為 荒君長且用之以變化異俗則其人之才皆以

見先泰古書其言必有所考若以四族為窮兇者 皆西漢以來儒者之失也 事文縣具、米 以 亳善矣然如日蝕不吐河清難俟 陳越石云商甲不惠其臣 擬阜變故堯不誅之而待舜處之耳然則鯀本 死又何有化為黄熊之事乎蘇長公謂龍 非金石臣身先殞 為者故得 伊尹 放太甲 列於唐帝之朝特各有偏陂不 Ti 弑 君之謗何以 放之後 於 能 . (季) 臣 消 改過復歸 何 乎而孫季 如児 門

載之一 言耳 異何 紀吾能止之 書于伊像之後愚謂此 王良趙簡子之御也簡子伐鄭良自於日 駋 示見 其篆文 必曲為解乎 聖 E 名 之任者 編云書所載 良 無 相近故為耳勾曲外史張天雨取其說 或 邮天漢之上天 敢作敢 日 王良 伊 其 亦後人愛惜古人而為是 尹 爲 姓 放 放 非王葢 而復辟始見阿衡 卿 太甲於 四星旁有 郵 桐 放當作 良也左 兩 星 靷 傳 將

藝中之一耳王良善馭列宿 日王良為天子馭郵 良善馭自名王良嘗疑御六 何 得以之為名後

有是名郵良取其名而名之 垣與經緯諸星同 輝碧落也 非郵良遂得次于

盆成括

道 晏子春秋齊之西原布 兄之順弟也審是則盆 者然則盆成括仕齊孟子何 一成括 衣之 士 君子人矣非不問 盆 以 謂 成 其小有才 括父之孝子

見殺說苑建本篇有云盆成 火 米孔 括 凳 有才虞君嘗

文原

吴

文子作亂使他與羌逐獻公公孫丁為獻公御 他學射于庾公差庾公差學射于公孫丁 矣 魚日射為背師不射為戮射為禮平射兩 謂之日工者久而巧色者老而衰令人不及壯之 左傳庾公之斯一名庾公差字子魚衛人也尹公 也括不悟事齊見殺似與晏子所言又一盆成 時葢積心技以備將衰安託無能之 **庾公之** 斯 軀哉葢 軥 衛公孫 規 之

檮 信 IJ 之 言 尹公他日子為師我則遠矣乃反之其文如此 剛 孟子之書異矣由孟子之言則爲端 亂 傳愚斷從孟而不從 斯以及照逢蒙舉子濯孺子 木 則為亂臣矣然孟子必有本而云然其舉庾 机注為惡獸之名留青日札云 賊為端人也且孟子 取 檮 其 杌 記惡 以為 戒杌樹 左 矣 列于 無枝 以 九經之中尊經不 也從木從壽 檮斷木也一 **反照后羿必不** 人由左氏之 則

或犯之終不退却惟死而已史官取以為名欲死 也兀不動也不從乎則非獸名矣陳椒峯謂梅 擘者大指也曷知虫中有丘蚓丘蚓之大者名日 餘冬序錄謂孟子謂吾必以仲子為巨擘注謂 以此目之未子訓為紀惡亦是一義並存之可 于其職也猶齊太史南史秉筆至死不回之義 耳又根具 者示往 凶人之號取以記惡不專記惡也其獸似虎 巨擘 知來者也檮杌之為物能逆知來事 米五

從者也 者也又謂今之與楊 年一次 原 建 傅 叉從而招之 道也愚謂以芸為香草則入字無着矣此不 疑錄載孟子為長者折 飲黃泉者蚓而後可 學齊地有之其虫能擘 名也豚之 折 枝 所 注 民匠 甘 調 艺襴 旣 墨辯 放之 也不 良謂是也思謂此其可從 枝說者以為枝葉之 得 者 地而行葢亦上食稿 所又 郑芷乃 如追放豚 圶 復 招之 香草白芷之 既入其艺 非善 治

齊聞 豈可不求解者若此之類 出 易謂之 癸辛雜志載高郵老儒黃彦知謂孟子去齊三宿 循言折 三三三十三 米折 晝讀作畫夜之畫非也史記田單傳載燕初入 知 晝邑之人王蠋賢劉 枝即四肢之肢古字通用且腰亦日肢折 去齊出宣 折枝可也謂之折 腰皆折枝之類也思謂讀書不求甚 腰也古詩日折 7 3 腰 載 熙注云齊西南近邑名 肢亦無不可心 則甚解矣文義總言 拜跪陶淵明不為 解

登 舖 公與之處與之空地而 鄭 以俟考 辰 也此極明标矣陳相 者 得奪人之居以 可農周禮 故孟三宿 アン日本記 叉日 即今之 授廛 纏亦從 注日 虚也說文 而出時人以 塵葢辰 廛市 處他國之人平日月所經之 さ 中空 作浮居也使共有肆有 市 為天 為濡滯也說亦有據 滕願受一廛而為氓 物 邶 地無肆 壤亦如地為 舍日 奎 城 廛 中空 即今 城 之 地 宅 道 浮 無 文

辨也 椒華之宮貫細珠為簾幌 或日夸光即西子修明鄭旦也以貢於吳吳處 載云越謀滅吳有美女二人一名夸光一名修 吳吳亡同范蠡歸於五湖 月二人理鏡視救竊视者莫不動心驚魄嗟而 之空地此尤可證雖一字之微求共無樂不可不 国ラ州具 西子居苧蘿 西子 山若耶溪之西故日西于後越進於 7 人盡知也乃拾遺記 朝下以蔽景夕捲以待 明 所

之 飛 傳 是 矣而秦本 那。 若雙鸞之在 國 飛 廉字處父助紂為虐孟 一是二同 一人 華八 事に 女 政越兵入國乃抱二 廉善走父子俱以才 飛廉 徘徊 紀 樹 是美人不 載 下以 轣 R. ... 飛 露沚水之 廉 為 知 神 襭 子既云 力 **項**之 女逃于吳苑越兵追 何 事約 坚不 | 漾芙葉吳王 以西子 裔 生 武 驅于海 奎 敢近夸光 惡 傳 王伐紂 水惡 而 隅 妖惑 鄭 殺 來 丽 日 西 息 惡 戮

復 為 霍 不信之也而飛廉復有子後 闹 而 有子後 戮之哉譙周讀史不信其事不必誠周夫人 是 紂既死而視之如生不 石 大山而報 致 時 槨 此 飛廉 以 華 同 那 數傳而 殆 得 氏死遂葬紂于霍 為 其 紂 石槨銘日帝令處父不與殷 再世 有 作 秦 石 國 而 椰于北方還無所 · 失 臣 士 且 有 數 雖 傳而 職之 太山 得不足以 天下積 有 人也周公 如是則飛 趙國 德 累仁 為 報為 亂 惡 福 壇 耶 何 廉 賜

洪文敏日治之與亂順之與擾定之與荒香之與 謂書至左傳一人而忽易數名亦不一 **遠氏或為為氏箴尹** 間有不能悉數者也 之中而自不同者如 臭遂之與廣皆 鬯弓著 顧寧人日知錄云五經中文字不同多矣有 こう変では 六經字 於 鄭 義 風 相對之字然五 而 きこし 秦 桑葚 則為 或為鍼尹児鐘鼎之文乎思 見於衛詩而魯則為 韔 左氏 經用之或每 宿 書其錄楚 矣同異之 相 也 黮

容齊随筆日六經之道同歸旨意未答不一而 其臭塑臭除達于淵泉之 潰于成草不潰茂之類以 **葛臨流之之類以荒訓定也無聲無臭胡臭** 亂 加 正焉此用字之變也 類 亂臣十人亂越我家惟 類以 六經字異 IJ 擾訓 亂 訓治也安擾 順也荒废土 類以 潰訓遂也字及而義 功遂荒大東大王荒 那 以 亂民新造那丕乃 國 臭訓香 擾而毅擾龍六 也是用 時 之

#学者 こく写式ませ

表これ

杰

立人只單作 海龙 村门 ク 前為維定 可安有旨 濃 人書无答无妄多作無失之矣孝宗初登 邓 切勿 則有不同者如佑 爲 爲 **斯 炭 龜 產 阜** 佑 肺 特 易為 聖觀令王那官參牌奏云祭法佑 在詩為右 「右字道士 增之不知 帷 獻泉 左 傳 꺠 惟 力爭 經文通 亦 財獨泰等字 右三字一也而在書 維 然又如 唯一也而在 IJ B; 川各用之 觀 易之无字 他 名 去人 書 經 皆不 被 爲 <u>;</u> 極 班心 周 惟 無 在 IJ